

Pavasari darbā

Majednē gamta soriedīta,
Če pēlna snēiga, če jau pliorē.
Tēp mainuos vēskas ont šiuo svieta,
Bet džiaugamuos ton vēskon tori.

Ē viel pavasarielis joukas.
Paukštelē čērškautē pradiejē.
Ēštērpde lītos snēiga poukus,
Kor žēimuos biedas pasēdiejē?

Nuors grēt gegožis – trūkst žaloma,
Tuos kelēs dēinas praēs veikē.
Pajosem dēdēli geroma,
Pavasaris kvepies kāp reikint.

Žmuonelē būrēs ēt i lauka,
Tvarkītēis, sietē, kastē, šloutē.
Jog šēltē uora paveik daug kon,
Ē truobuo nabrēk ogni kortē.

Ta laukem tuoliaus gielium, saulēs,
Darboukemuos, ka geriau būto.
Sorinksem šiukšlēs, nesam kiaulēs,
Nelēskem vēskas ka sopūto.